

Na osnovu člana 61. Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno korisnog rada, škole u prirodi i drugih oblika odgojno-obrazovnog rada u osnovnoj i srednjoj školi KS („Službene novine Kantona Sarajevo“ broj: 36/2010), i člana 153. Pravila JU Srednjoškolski centar Hadžići, Školski odbor na sjednici održanoj 21.06.2017. godine, donosi:

ETIČKI KODEKS

I OPĆE ODREDBE

Član 1.

Etički kodeks je dokument kojim se propisuje skup pravila, odnosno etičkih načela, kojih se u realizaciji odgojno-obrazovnog rada u okviru ekskurzije obavezni pridržavati svi subjekti koji su uključeni u realizaciju ekskurzije.

Svi subjekti koji su uključeni u realizaciju ekskurzije dužni su pridržavati se odredaba ovog Etičkog kodeksa.

Etički kodeks se ostvaruje na slijedećim načelima:

- Temeljnim načelima u odnosu na moralno opravdano i moralno neprihvatljivo ponašanje subjekata koji su uključeni u realizaciju odgojno – obrazovnog rada odnosno ekskurzije,
- Etičkim pravilima pri realizaciji ekskurzije

Član 2.

Terminološko korištenje muškog ili ženskog roda u ovom Kodeksu podrazumjeva uključivanje oba roda.

Član 3.

Svrha Etičkog kodeksa je utvrditi opće etičke smjernice i postupke vezane uz njih, upozoriti na dužnosti i obveze te promicati etičke vrijednosti. Promicanje etičkih vrijednosti i etičkog ponašanja u ovom kodeksu – obveza je svih subjekata koji su uključeni u realizaciju ekskurzije.

Provođenje odredbi ovog etičkog kodeksa ima za svrhu i uticaj na učenike u cilju prihvatanja tih etičkih normi u budućem životu i radu.

Kršenje odredbi ovog Etičkog kodeksa, predstavlja osnov za pokretanje disciplinskog postupka za prekršioce (učenike i nastavno osoblje).

Kršenje odredbi ovog Etičkog kodeksa od strane učenika predstavlja težu povredu učeničke dužnosti, te u skladu sa Pravilima škole i Zakonom o srednjem obrazovanju mogu se izreći odgojno-disciplinske mjere.

Kršenje odredbi ovog Etičkog kodeksa od strane nastavnog osoblja predstavlja težu povredu radne dužnosti, može se izreći mjera predviđena Pravilnikom o radu JU Srednjoškolski centar Hadžići.

II TEMELJNA NAČELA I PRAVILA PONAŠANJA U CJELINI

Član 4.

Načelo neometanog uživanja prava

Škola je obavezna svakom subjektu koji učestvuje u realizaciji odgojno-obrazovnog rada odnosno ekskurzije osigurati uživanje svih ljudskih prava te poštivanje prava zagwarantovanih Ustavom i zakonima Bosne i Hercegovine.

Član 5.

Načelo poštovanja integriteta i dostojanstva osobe

Svi učesnici ekskurzije (učenici, nastavno osoblje, predstavnici Agencije, hotelsko i ugostiteljsko osoblje, graničari, carinici i druga lica) moraju biti poštovani kao osobe u skladu sa zagwarantovanim pravima na život, integritet i dostojanstvo.

Svim učesnicima ekskurzije mora biti osigurano pravo na privatnost.

Član 6.

Načelo jednakosti i pravednosti

Svi učesnici ekskurzije treba da se ponašaju u skladu sa načelom jednakosti i pravednosti na način koji isključuje svaki oblik diskriminacije, zlostavljanje, uznemiravanje ili iskorištavanje.

Član 7.

Pravo na slobodu mišljenja i izražavanje

Svi učesnici ekskurzije imaju slobodu mišljenja i izražavanja kao osnovnu vrijednost u svim segmentima života i rada.

NEPRIHVATLJIVA PONAŠANJA

Član 8.

Diskriminacija

U skladu sa načelima ovog Etičkog kodeksa, nedopustiv je svaki oblik neposredne i posredne diskriminacije zasnovan na religiji, etničkoj i nacionalnoj pripadnosti, rasi, spolu, materijalnom stanju, porijeku, fizičkom izgledu i zdravstvenom stanju.

Član 9.

Uznemiravanje

Zabranjena je svaka vrsta uznemiravanja između svih učesnika ekskurzije.

Uznemiravanje podrazumjeva svako neprimjereno ponašanje prema drugoj osobi kojem je cilj ili koje stvarno znači povredu ličnog dostojanstva.

Neprihvatljivo je i svako spolno uznemiravanje.

Član 10.

Zabrana nasilja

Stogo je zabranjeno nasilje i zlostavljanje svih osoba koji na bilo koji način učestvuju u realizaciji ekskurzije. Pod nasiljem i zlostavljanjem podrazumjeva se svako ponašanje koje ugrožava zdravlje, razvoj i dostojanstvo svih učesnika ekskurzije, bez obzira da li je učinjeno samo jednom ili se ponavlja.

Ovom zabranom obuhvaćeno je zanemarivanje učenika, na primjer, neodgovarajuća zaštita učenika od povređivanja, samopovređivanja, upotrebe alkohola i drugih opojnih sredstava.

Zabranjeno je učešće učenicima kojima je u prethodnoj ili tekućoj školskoj godini izrečena odgojno-disciplinska mjera zbog neprihvatljivih oblika ponašanja i svih oblika nasilja, koja povlači ocjenu iz vladanja „loše“.

Član 11.

Zabrana konzumiranja alkohola i duhanskih proizvoda

Učenicima ekskurzije stogo se zabranjuje konzumiranje duhanskih proizvoda, alkohola i opojnih sredstava.

Nastavnom osoblju je zabranjeno upotreba alkohola i opojnih sredstava.

Član 12.

Zabrana odlaska na neprikladna mjesta

Strogo je zabranjeno odlazak svih učesnika ekskurzije na neprikladna mjesta.

III ETIČKA PRAVILA PRI REALIZACIJI EKSKURZIJE

Član 13.

Postupanje prema imovini

Svi učesnici ekskurzije su dužni čuvati imovinu i poštovati kućni red hotela i pravila ponašanja u autobusima turističke agencije.

Član 14.

Obaveza škole i Agencije je da osiguraju tajnost podataka o zdravstvenim i drugim specifičnim potrebama učenika.

Član 15.

Obaveza škole i Agencije je preduzimanje svih potrebnih aktivnosti u cilju osvarenja zdravstvene i druge zaštite.

Član 16.

Zabranjeno je svako osamljivanje bilo kojeg učesnika u realizaciji ekskurzije (vozač, vodič, vođa puta, nastavnik) sa manje od tri učenika.

IV PRELAZNE I ZAVRŠNE ODREDBE

Član 17.

Ovaj Etički kodeks stupa na snagu sljedećeg dana od dana objavljivanja na oglasnoj ploči Škole.

Broj: 06-49-1-1482/2017

Hadžići, 21.06.2017. godine

v.d. PREDSJEDNIK ŠKOLSKOG ODBORA

mr. Aziz Dozo